

Yienzndokmax:

Sing Aenyienz Faedbiengz Yied Ngod Yied Haprwenz!

马骨胡：壮族天籁弦音越拉越响！

□ Couh Vaz Cinz Yinzbauj



▲ Bya heu raemx saw sing yienzndokmax haprwenz.

▲ Bouxswncienz son bouxcos ngod yienzndokmax.

◀ Yienzndokmax hwnj gwnz daizheiq daengx guék biujyienj.




▲ Canghyienz bae ndaw ging-gih yienjngod yienzndokmax.



▲ Yienzndokmax miz daih-laeng swncienz.



▲ Yienzndokmax daegsaek yienhda.



▲ Aen yienzndokmax ciuhgeq.



▲ Canghyienz gaenx lienh yienjngod.



▲ Canghyienz laux son laux-sae coz yienjngod yienzndokmax.

vuzciz vwnzva yizcanj. Yienzndokmax youq mbangj Diegcuengh caemh heuhguh “yienzndok”、“yienzlek”、“yienzsek”, eiqsei dwg aen yienz iqet ndei yawj aeu gij ndok max、loz、vaiz daeuj guh haenx, ndigah ndaej heuhguh yienzndokmax. “Yienzlek” caemh dwg gij mingzcoh “Dahyienz” “Daeglek” doiq mbauqsau doxyaez ndaw gojriuz neix gyoebbaenz. Yienzndokmax yaemsaeq byotbet ronghsaw、rwenzred ndei dingq, yaemcaet goksad sepset, miz gij rengz byoengqdaeuq, ndaej haenh dwg yaem faedbiengz yaem’wenq yienhnduj ndawbiengz Bouxcuengh. Doengzseiz, yienzndokmax yienjngod gag miz baenz dauq gungfap、fwngzfap caeuq diuqgo gag cau h ndeu, ciengzciengz yungh guh gag ngod、yozgi doxhab buenxyienj roxnaeuz vih go fwen ndawbiengz、yaem’wenq gangjciengq、Heiqcuengh doengh gijneix buenxyienj. Gij diuqgo doxhab buenxyienj haemq mizmingz de miz 《Mbanjcuengh Cin Caeux》《Angq Yawj Gou Yahahai》《Siengmuengh Ndaw Sim》《Lingzmax Mbanjcuengh》, gij diuqgo ciengz ngod haenx miz 《Diuqcingq》《Diuq Betbanj》《Diuq Couxhek》《Diuq Betaem》《Diuq Nyaebcaz》doengh gijneix, youq Denzlinz、Dwzbauj doengh rangh baihsae Guengjsae dieg Bouxcuengh comzyouq caeuq Yinz-

nanz、Gveicouh mbangj dieg Bouxcuengh、Bouxyaej comzyouq haenx riuzhengz hwnghoengh.

Aen yienzndokmax yienh ciengzdoengj de, dwg youz doengzyienz、gyaeuyyienz、ganjyienz、sugyienz、ciengaen、maxyienz、diuzyienz caeuq gungyienz doengh gijneix gyoebbaenz. Doengzyienz nyuenz dwg aeu duenh gwnz ndokdoengz goekga duzmax daeuj guh, seizneix cix aeu haujlai gep ndokdoengz goekga max、loz、vaiz ma gyoepnem guhbaenz, raez 10-12 lizmij、ciggingq 5 lizmij baenzneix, gyauej gonq de gop naengngwz、naengbya roxnaeuz naenggoep, gyauej laeng de hoengqgyoeng; gyauejyienz、ganjyienz dwg aeu baenz mbaenq faexgenq roxnaeuz ganjfaexcuk guhbaenz, gwnz hung laj iq, raez 46-60 lizmij, gwnz gyauejhung gaekdeu baenz gyauejmax; capnaep song aen sug, rag song diuz yienz. Dinghyienz d1、a1, ranghyaem d1-e3, miz song aen lai betdoh. Youq gij yozdui Heiqcuengh baihbaek ndawde, yienzndokmax dwg cungj yozgi guhcawj yienjngod ndeu, doengzseiz lij miz cungj yienzndokmax cungyaem doengzyienz haemq hung ndeu daeuj doxbuenx yienjngod, doengzcaez dakdaengh diuqciengq, hawj yaem’wenq Heiqcuengh engq ndei dingq gamjdoengh vunz.



▲ Aendoih yienjngod yienzndokmax bae lajmbanj biujyienj.